

كام سنة



من كام سنة

كانت الحياة لسه بريئة

كانت العيون مغمضة

لسه مش شايقة الحقيقة

كنا لسه يادوب بنتهجي الحروف

والوشوش تبقى بلون الورد

من كتر الكسوف

كانت يا دوب حياتنا لسه بتبتدي

رغم الظروف

کنا بنحمد ربنا

من كالأاااااااااااااااااااا سنة

فاتت سنين

واتغيرت فينا الملامح

والقلب صابه الشيب ف لحظة

والعقول للشر سارحة

والعذب أصبح جوه جوفنا

طعمه مالح

ويادوب حياتنا هتبتدي

الشجرة بدأت تنحني

والدنيا رسمت قصاصد عينا

لعبة متاهة

واتبدلت ضحكة شبابنا

بألف آهة

بدأت عينا تشوف ملامح غدرها

أحلامنا دبلى ع الشجر

وطيورنا هجرت عشها

إوعى تقول ع الطير ماقدرش يستحمل

ومن البداية ضعيف

وما كانش هيكمل

الطير علا في السما

بس الرياح عفية

والصيادين ناصبين

شباكهم الطاغية

مستنين الريح

تكسر جناح الطير

والطير مازال طاير وبيعافر

رافض يعود للشجرة

ويكون لعشه أسير

فبلاش تلوم ع الطير

وتقول هرب ف السما

كل الحكاية الطير

كان حلمه أنه يعيش

احلااااااام

كائنات الأم سنة

[illegible]